



Broj: 01/5-50-1-6-14/08
Sarajevo, 4.2.2008.godine

Na osnovu člana 31. stav (2) Poslovnika Predstavničkog doma Parlamentarne skupštine BiH ("Službeni glasnik BiH", broj 33/06, 41/06,81/06,91/06 i 53/07), Komisija za saobraćaj i komunikacije, na 14. sjednici, održanoj 4.2.2008., usvojila je

IZVJEŠTAJ O RADU
KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA
U 2007.GODINI

1. Uvodne napomene

Nadležnost Komisije za saobraćaj i komunikacije Predstavničkog doma (u daljnjem tekstu: Komisija) određena je članom 45. Poslovnika Predstavničkog doma Parlamentarne skupštine BiH, prema kojem Komisija razmatra pitanja koja se odnose na:

- putne isprave;
- boravak i kretanje stranaca;
- odnose s Interpolom;
- uspostavu i funkcioniranje zajedničkih i međunarodnih komunikacija;
- reguliranje međuentitetskog saobraćaja;
- nadzor zračnog saobraćaja;
- nadzor frekvencija;
- druga pitanja iz oblasti saobraćaja i komunikacija.

Konstituirajuća sjednica održana je 15.2.2007., na kojoj je za predsjedavajućeg Komisije izabran Branko Dokić, za prvog zamjenika Šemsudin Mehmedović i za drugog zamjenika Dragan Vrankić (nije učestvovao u radu Komisije – izabran za ministra finansija BiH).

Na 4. sjednici, održanoj 11.4.2007., za drugog zamjenika izabran je Velimir Jukić, a na 5. sjednici izabran je Slavko Matić, umjesto Velimira Jukića, kojem je prestalo članstvo u Komisiji.

Ostali članovi Komisije su: Sadik Sado Bahtić, Selim Bešlagić, Savo Erić, Husein Nanić, Snježana Rajilić i Mehmed Suljkanović.

Sekretar Komisije je Ahmed Jalovičić.

1.1 Unutrašnja organizacija i procedura

Nakon što Komisija dobije određene materijale koji se mogu smatrati tačkom dnevnog reda, prijedlog dnevnog reda sjednice utvrđuje njen predsjedavajući. Komisija je aktivnosti zasnivala na usvojenom orijentacionom radnom planom, te obavljala poslove iz svoje nadležnosti u skladu s procedurom utvrđenom

Poslovnikom Predstavničkog doma. Nakon obavljene rasprave o pitanju koje je razmatrano na sjednici, Komisija je većinom glasova usvajala mišljenja i izvještaje, odnosno donosila zaključke, koji su odražavali stav Komisije.

2. Aktivnosti Komisije u izvještajnom periodu

Na 3. sjednici Komisije, održanoj 12.3.2007., Komisija je usvojila Orijentacioni radni plan za 2007.godinu. U izvještajnom periodu Komisija je održala 12 sjednica, s ukupno 48 tačaka dnevnog reda. Osim zakonodavnih aktivnosti, potrebno je istaći razmatranje drugih akata, kao i aktivnosti koje je Komisija sama inicirala.

Prosjeck prisustva članova Komisije sjednicama Komisije je 78%, a sjednice su u prosjeku trajale sat i 37 minuta.

Članovi Komisije učestvovali su na nekoliko seminara i drugih sastanaka na poziv određenih domaćih i međunarodnih institucija, kao i na vlastitu inicijativu.

2.1 Zakonodavne aktivnosti

Komisija je u 2007. godini razmatrala pet prijedloga zakona, i to:

1. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH – predlagač: Dom naroda Parlamentarne skupštine BiH (procedura po starom poslovniku Predstavničkog doma - negativan izvještaj Komisije);
2. Prijedlog zakona o elektronskom pravnom i poslovnom prometu - predlagač: Vijeće ministara BiH - (pozitivan izvještaj Komisije);
3. Prijedlog zakona o izmjenama i dopunama Zakona o putnim ispravama BiH - predlagač: Vijeće ministara BiH – (završena prva komisijska faza-pozitivno mišljenje);
4. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH – predlagač: poslanik Mehmed Suljkanović - (završena prva komisijska faza-pozitivno mišljenje);
5. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH – predlagač: Komisija za saobraćaj i komunikacije Predstavničkog doma (završena prva komisijska faza-pozitivno mišljenje).

Shodno zaključku sa 5. sjednice, u organizaciji Komisije, 26.6.2007., održana je Javna rasprava o Prijedlogu zakona o izmjenama i dopunama Zakona o osnovama sigurnosti saobraćaja na putevima u BiH, predlagača poslanika Mehmeda Suljkanovića.

Uzimajući u obzir diskusije i radove s Javne rasprave, uz saglasnost Mehmeda Suljkanovića kao predlagača, Komisija je na 6. sjednici usvojila zaključak:

Traži se od Vijeća ministara BiH da u što kraćem roku sačini i uputi u parlamentarnu proceduru cjelovit Prijedlog zakona o izmjenama i dopunama Zakona o osnovama sigurnosti saobraćaja na putevima u BiH, a da polazna osnova pri izradi tog prijedloga bude Prijedlog zakona poslanika Mehmeda Suljkanovića, kao i stavovi i mišljenja učesnika Javne rasprave.

2.2 Aktivnosti vezane za razmatranje i usvajanje ostalih akata

U 2007. godini Komisija je razmatrala i druge akte koji nisu zakonodavnog karaktera, i to:

1. Izvještaj o radu Državne regulatorne komisije za električnu energiju za 2006.;
2. Zahtjev Plamenka Čustovića za razrješenje s dužnosti člana Upravnog odbora Javnog RTV servisa BiH;
3. Prijedlog Vijeća ministara BiH da se za člana Državne regulatorne komisije za električnu energiju imenuje Nikola Pejić;

4. Izvještaj o radu Komisije za raspodjelu CEMT dozvola za 2007.godinu i Izvještaj o raspodjeli CEMT dozvola za 2007.godinu ;
5. Izvještaj o radu i poslovanju Javnog RTV servisa BiH za 2006.godinu, sa Izvještajem o radu Upravnog odbora;
6. Rang-lista kandidata za člana Upravnog odbora Javnog radiotelevizijskog servisa BiH iz bošnjačkog naroda;
7. Inicijativa za izmjenu Zakona o poštama BiH – podnesena od „Pošte Srpske“ a.d. Banja Luka, „JP BH POŠTA“, d.o.o. Sarajevo i HP Mostar, d.o.o.

Potrebno je istaći da je Izvještaj o radu i poslovanju Javnog RTV servisa BiH za 2006.godinu, sa Izvještajem o radu Upravnog odbora, Komisija razmatrala na pet sjednica, te da je, osim mišljenja Komisije o navedenim izvještajima, predloženo više zaključaka s ciljem prevazilaženja stanja utvrđenog revizorskim izvještajima o finansijskom poslovanju Javnog RTV servisa BiH za 2005. i 2006.godinu.

3. Saradnja s Vijećem ministara BiH

Komisija je imala kontinuiranu saradnju s Vijećem ministara BiH i resornim Ministarstvom komunikacija i prometa BiH, pa su tako sjednicama Komisije prisustvovali njihovi predstavnici, koji su učestvovali u raspravama o zakonima i aktima koji su razmatrani na sjednicama. Saradnja s Vijećem ministara BiH i Ministarstvom nije bila u potpunosti zadovoljavajuća , s obzirom da za pojedine zaključke Komisije uopće nije dostavljen odgovor ili se na odgovor čekalo po nekoliko mjeseci. Shodno navedenom, neophodno je ubuduće uspostaviti bolju saradnju na obostranu korist.

4. Opća procjena i prijedlozi

Na osnovu navedenog, može se zaključiti da je Komisija u domenu zakonodavnih i drugih aktivnosti gotovo u potpunosti realizirala postavljene zadatke.

Uzimajući u obzir dosadašnja iskustva, a s ciljem budućeg efikasnijeg rada, Komisija ukazuje na sljedeće:

1. S obzirom da Komisija nema svojih prostorija, potrebno je osigurati odgovarajuće uredske prostorije, što bi omogućilo kvalitetniji rad Komisije;
2. Neophodno je osigurati tonsko snimanje svih sjednica Komisije.

PREDSJEDAVAJUĆI KOMISIJE
dr. Branko Dokić